

Petri. Quos triumphos ab imperatoribus quosue a piscatoribus Roma optineat. Quando Petrus recedit ab Antiochia' u. s. w. Am anziehendsten ist das erste Capitel, welches ich deshalb als Probe hier hersetzen will:

Incipit liber quartus de passione apostolorum Petri et Pauli.

- f. 64. Orbis honor, Roma splendens decorata corona
Victorum regum, discretio maxima legum,
His simul et multis aliis redimita triumphis
O uictrix salue; cuius super ethera palme
5 Pulchre scribuntur, et quam colit undique mundus.
Que uox, quis sapiens, uel quę facundia uerbi
Quisue tuas laudes poterit replicare poeta?
64'. Grecus et Hebreus, si barbarus atque Latinus
Hec pertemptarent, tantus labor hos maceraret.
10 Gratia que terra poterit uel inesse potestas,
Quam tua precellens dominatio non sit adepta?
Tu retines sceptrum super omnia sceptrata timendum,
Tu nosti gentes armis redomare furentes.
Que sis, quam prestans Cicero dictamine narrat,
15 Cui similis nullus describitur atque secundus;
f. 65. Et Liuius Titus, Lucanus in ense peritus
Egregiusque Maro magnusque poemate Naso,
Et uir mirificus Varo quem fouet iste Casinus,
Et plures de te scripserunt plura poete.
20 Ex te qui cunctum meruerunt subdere mundum,
Et processerunt ex te qui iura dederunt.
Tu titulum dextra gestas et dona sinistra:
His concedis opes, his et largiris honores,
f. 65'. Hec quia magna facis mundi regina uocaris.
25 Parua sed hæc extant que dat terrena potestas,
Si piscatorum perpendas dona tuorum.
Dudum mittebas qui rapta tributa ferebant:
Munera nunc gentes ueniunt tibi sponte ferentes.
Ingeniis armis hostes persepe fugasti:
30 Sed solis uerbis nunc obstas ipsa superbis.
Nempe per augustos retines ex hoste triumphos,
f. 66. Per dictatores doctrinam, per Scipiones
Deuincis gentes insana mente rebelles.
Per piscatorem talem sortiris honorem:
35 Degens in terris super ethera brachia tendis,
Ac cuiuis pandis et celi limina claudis.
Soluis peccatum, potes et religare reatum:
Que Petro Iesus tibi fert hec numina Petrus.
Obtineas clauem ualeas qua pellere cladem.
f. 66'. 40 Hanc per uirtutem possis prestare salutem.
Hec modo sufficiant tibi que mea Musa ministrat:
Perficiam Petri uersus quos scribere cępi.